

福建地方志叢刊

晉江縣志

下

〔清〕周學曾等纂修

福建地方志編纂委員會主編

福建地方志叢刊

晉江縣志

下

〔清〕周學曾等纂修

晉江縣地方志編纂委員會整理

福建人民出版社

一九九〇年·福州

晉江縣志

〔清〕周學曾等纂修

*

福建人民出版社出版

(福州得貴巷 27 號)

福建省新华書店發行

上海出版服務公司
無錫縣排版廠排版

江蘇吳縣文藝印刷廠印刷

開本 850×1168 毫米 1/32 印張 58.625 插頁 10 字數 1,840,000

1990 年 7 月第 1 版

1990 年 7 月第 1 次印刷

印數: 1—1,750 冊

ISBN 7—211—01141—6/K·74

精裝定價	49.20 元
平裝定價	34.80 元

晉江縣志卷之三十四

政績志 文秩之一

周人之誦召公也，愛其甘棠。四國之思郇伯也，詠以芄黍。一方之寄，百里之司，藉令急催科而緩撫字，且棄保障而謀繭絲，何以上不負吾君，下不負吾學，彼兒童竹馬之迎，父老百□之送，何人哉！晉江僻處一隅，際國家盛平之休，列聖相承，德澤淪浹之久。隸□者食德飲和，共樂熙皞，而分符之治，司鐸之官，□□之職，上而刺史、別駕，提帥六營，撫莅斯土，共相贊成。唐以來有全德堪頌、一節可師者，莫不彙而紀之，此於鐘鼎之銘，斯聖教所由日彰，官方所由日肅也。志政績。

唐

太守

薛昱

刺史

蘇妙

趙昌

趙榮

薛播

席相

薛戎

馬總

王審邽

別駕

姜公輔

五代

刺史

王延彬

王延武

高瑩

宋

節度使

留從効

知軍州事

陳文顯

知州事

孫逢吉

陳靖

王潮
審知附

王延鈞

王繼崇

陳洪進

喬維岳

韓國華

方慎言

葉賓 沈周 關詠 陳偁 黃伸 陸藻 梁巖老 趙鼎 汪藻 葉廷珪 辛次膺 劉珙 趙子瀟 汪大猷 韓彥直 趙必愿 林枏

曹修睦 蔡襄 晁宗恪 陳樞 陳覺民 張闡 劉子羽 陳彦才 陳康伯 趙令衿 范如圭 陳俊卿 王十朋 姚憲 程大昌 司馬伋 傅淇

顏師魯

謝諤

倪思

章良能

鄒應龍

真德秀

王棟

孫夢觀

劉偉叔

王會龍

元

總管

怯來

明

知府

李鳳

蔡錫

朱佺

劉穎

葉適

陳子冲

程卓

宋鈞

游九功

李韶

趙汝騰

顏頤仲

朱文寔

胡器

尹宏

熊尚初
歐陽復
沈海
馬岱
張濂
包溥
程瑄
葛恒
顧可久
王仕俊
程秀民
童漢臣
孔惟德
萬慶
任汝亮
邱浙
貢靖國

張巖
徐源
陳勉
李哲
吳晟
張津
葉信
高越
屠倬
俞咨伯
方克
熊汝達
周道光
朱炳如
姚光泮
鄒墀
汪道亨

程朝京

程達

姜志禮

蔡善繼

沈翹楚

樊維城

國朝

知府

張仲舉

常光裕

劉侃

孫魯

張宗純

伊靖阿

陳之銓

馮國柄

姚觀

寶子偁

張應泰

陽思謙

趙士許

王猷

孫朝讓

高拱乾

李大章

張無咎

王廷諤

書成

懷蔭布

楊廷樺

岳山

蚶江通判附

吳尊盤

唐

太守

薛昱 天寶中爲清源太守，以清德著。郡人歌云：「郡號清源，官有清德。」舊志。

刺史

蘇妙 字觀妙，南海人。大曆中刺泉，有惠政。有白鵲巢于門樓，妙出，鵲每隨集車蓋，民頌歌之。

舊志。

薛播 河中寶鼎人。開元、天寶間，兄弟七人並擢進士，累授殿中侍御史，遷武功萬年令。溫敏而裕，

與人交有常，李栖筠、常袞、崔祐甫並器之。祐甫輔政，拜中書舍人，出爲汝州刺史。建中間，坐小累貶泉州刺史。秦系客泉，播頻往候問，歲時致羊酒。得歐陽詹優禮之，詹由是知名。再遷河南尹，禮部侍郎，卒贈尚書。舊志，參《閩書》。

趙昌 字洪祚，天水人。貞元間泉州刺史，鑿泉築塘灌田三百餘頃。後爲尚書。民追思其德，名其塘曰「尚書塘」，在城東北隅，與東湖隔街。舊志。

席相 安定人。貞元中以河東令刺泉州。敷教興文，建六曹都堂，造北樓，請歐陽詹爲記。癸酉歲，詹與邑貢生八人將西上，相以鄉飲禮餞送之。更設宴東湖亭，修賓主禮，款洽備至。一時老幼來窺，盡室盈岐，閭里之士，皆以爲榮，競勸於學。舊志，參《閩書》。

趙榮 泰和中泉州刺史。郡有通淮橋，其東南曰通淮門。榮於郡郭之東南隅，瀦泄江水以肥沃南洋之田，民便之。因其氏，稱曰「天水淮」。舊志。

薛戎 字元夫，寶鼎人。少有學術，不求聞達，居陽羨山。江西觀察使李衡辟爲從事。故相齊映代衡，又留署府職。罷歸，福建觀察使柳冕表爲從事，轉殿中侍御史。會泉州缺刺史，冕署戎權領州事。是時姚南仲節制鄭、滑，從事馬總以直道爲監軍使，薛盈珍誣奏，貶泉州別駕。冕附會權勢，欲搆成總罪，使戎按問曲成之；戎不從，別白其狀。戎還自泉州，冕盛氣據衙而見賓客。戎歷東廂從容而入，冕度勢未可屈，徐起一揖而退。又搆其罪以狀聞，置戎于佛寺，環以武夫，恣其侵辱，如是累月，誘令成總之罪，竟不動搖。杜佑鎮淮南，表戎寃，乃發書諭冕，戎難方解，遂辭職歸。後召拜侍御史，歷浙江觀察使。舊志，參《閩書》。

馬總 字元會，扶風人。貞元中謫泉州別駕。元和初，權知泉州刺史。鑿北山下塘以灌民田。篤學不妄交遊，雖吏事倥偬，書冊在前，用儒飾吏，廉清不撓。韓退之爲總作《郾州溪堂詩序》，極稱其政。歷官安南都護、戶部尚書。卒贈右僕射，諡曰懿。舊志，參《閩書》。

王潮 字信臣，光州固始人。五代祖曄爲固始令，民愛其仁，留之，因家焉。世以資顯。潮兄弟三人，長即潮，次審知、審邽。僖宗入蜀，盜興江淮。壽春人王緒、劉行全，合羣盜據壽州，未幾衆萬餘，自稱將軍。復取光州，陷固始，劫豪傑置軍中。潮自縣吏署軍正，主廩庾，士推其信。緒提二州籍附秦宗權，他日賦不如期，宗權切責。緒懼，與行全拔衆南奔，略潯陽、贛水，取汀州，自稱刺史，入漳州，皆不能有也。初以糧少故，兼道馳約軍中曰：「以老孺從者斬。」潮與二弟奉母行，緒切責潮曰：「吾聞軍行有法，無

不法之軍。」對曰：「人皆有母，不聞有無母之人。」緒怒欲斬其母，三子同辭曰：「事母猶事將軍，殺其母焉用其子。」緒舍之。會母死，不敢哭，夜殯道左。時望氣者言軍中有王氣，緒素猜忌，潛視魁梧雄才者，皆以事誅之，衆懼。次南安，潮語行全曰：「子美鬚眉，才絕衆，吾不知子死所。」而行全亦不自安，與左右數十人伏叢翳，徂縛緒以徇。衆呼萬歲，推行全爲將軍，辭曰：「生我者潮也，請以爲主。」潮苦讓不克，乃除地剗劍祝曰：「拜而劍三動者，我以爲主。」至審知，劍躍於地，衆以爲神，皆拜之。審知讓潮，自爲副。緒嘆曰：「我不能殺是子，非天乎？」遂自殺。潮令于軍曰：「天子蒙難，今當出交廣，入巴蜀，以獎王室。」於是悉師將行，會泉州刺史廖彥若貪暴，州人張延魯聞潮治軍有法，率耆老奉牛酒迎潮。潮圍城歲餘，克之；殺彥若，有其地。請降於觀察使陳巖，巖表潮爲泉州刺史。潮居泉，招懷離散，均賦繕兵，泉人稱便。及陳巖卒，其婿范暉擁兵自稱留後，潮遣從弟彥復將兵攻暉，審知監之。暉守彌年不下，遣人白潮，請罷兵。潮報曰：「兵盡益兵，將盡益將，兵將盡，吾至矣。」於是彥復急攻，暉亡入海，追斬之。建、汀二州，皆舉聽命，潮盡有五州地，入福州自稱留後，爲陳巖卜葬，素服哭之，以女妻其子。昭宗假潮福建等州團練使，俄遷觀察使，乃作四門義學，還流亡，定賦斂，遣吏勸農，人皆安之。乾寧中，罷福州爲威武軍，即拜潮節度使檢校尚書左僕射，卒贈司空。審知代立。審知字信通，爲人狀貌雄偉，隆準方口，常乘白馬，軍中號「白馬三郎」。唐以福州爲威武軍，拜審知節度使，累遷同中書門下平章事，封瑯琊王。唐亡，梁拜審知中書令，封閩王，升爲福州大都督府。歲遣使泛海，自登萊朝貢于梁，使者入海覆溺，常十三四。審知儉約，好禮下士。王淡，唐相溥之子，楊沂，唐相涉從弟，徐寅，唐時知名進士，皆依審知仕宦。又建四門學以教閩士之秀者，招來海中蠻夷商賈。同光三年卒，年六十四，謚忠懿。子延翰、延鈞、延義、延

政。《閩書》，參《五代史》。

王審邽 字次都，潮弟。唐乾寧元年權泉州刺史，三年實授，四年加工部尚書，五年加金紫光祿大夫檢校戶部尚書。光化二年加兵部尚書瑯琊郡開國男，三年加左僕射，進封開國侯，尋授威武軍節度副使。天復二年，加司空，三年加司徒，進封開國伯，食邑七百戶。在政十二年，喜儒術，通《春秋》，善吏治，流民還者假以牛犂，完其廬舍。時中原多故，學士故老多避亂來依，審邽遣子延彬作招賢院禮之。如李洵、韓偓、王滌、崔道融、王標、夏侯淑、王拯、楊承休、楊贊圖、王侗歸、傅懿、鄭璘、鄭戩等，皆賴以全。卒謚武肅王。子延彬、延美、延武。

別駕

姜公輔 日南人。建中間爲唐相，因論唐安公主造塔忤德宗，謂其賣直售名，左遷左庶子。未幾貶泉州別駕，築室于南安九日山，與秦系相近。順宗立，拜吉州刺史，未之官，卒。憲宗時贈禮部尚書。宋蘇紳大書「姜相峯」三字刻于九日山之石磴。舊志。

五代

刺史

王延彬 審邽子。唐天祐中，審知墨勅權知泉州軍州事，二年實授。梁開平三年加金紫光祿大夫，轉右僕射，封瑯琊郡開國男，尋轉司空，加雲麾將軍。梁乾化二年，授特進□階加檢校太保，進封開國伯，五年詔加檢校太傅開國侯。貞明四年，閩王簡授管内三司發運副使。天成元年，以弟延鈞節度行軍司馬檢校太傅權泉州刺史。其冬延彬再任，四年延彬加檢校太尉。息民下士，能繼父志，前後在任二十六年。歲

屢豐登，復多發蠻舶以資公用，驚濤狂飈無有失壞，郡人藉之爲利，號「招寶侍郎」。

王延鈞 審邦（二）次子也。延翰時爲泉州刺史，後與延稟執殺延翰自立，更名鱗，後唐即拜節度使，累加簡較（三）太師中書令，封閩王。長興三年，上書後唐請得爲尚書令，不報，遂絕朝貢。未幾竊號，改元龍啓，國號閩，追謚審知爲太祖。永和元年，爲子繼鵬所弑，謚惠，廟號太宗。

王延武 審邦第四（三）子。閩永和元年刺史泉州，尋加太傅，進開國伯。閩王昶通文元年，移刺建州。《閩書》。

王繼崇 延彬子。後唐長興元年，閩王墨勅權判泉州事，三年加簡較司空。閩改元龍啓，加簡較太保，封瑯琊開國男。《閩書》。

高壁 字德調，中州人。後周顯德四年，奉檄守泉州，著有政聲。十一月二十日，海氛煽起，攻泉州，挺兵擊之，不屈死節。事聞於朝，賜謚文忠，立祠於八都安海，仍予祭葬于晉江二都陶冶山之原，其子孫因世居安海焉。

宋

節度使

留從効 永春人，居晉江。幼孤，事母、兄以孝悌聞。頗知書，好兵法。晉天福末，朱文進殺閩王曦據位，署其黨黃紹頗爲泉州刺史。從効時爲泉州散指揮使，與王忠順、董思安等議曰：「吾屬世臣王氏，今王氏子孫未復位而不思報，可謂忠義乎？」于是忠順、思安置酒從効家，募死士陳洪進等五十二人，夜持白挺入城劫庫兵，擒紹頗斬之，立延政從子繼勳爲刺史。從効等三人自署爲統帥，洪進等皆爲指揮。

使。繼勳令送紹顙首於建州，奉延政爲主。文進來攻，爲從効所敗。會南唐李璟兵至，延政降。從効亦以兵劫繼勳送江南，自領泉州二州留後。璟即建泉州爲清源軍，授從効節度。泉州等州觀察使，累遷同平章事兼侍中中書令，封鄂國公。晉江王從効出自寒微，知人疾苦，在郡專以勤儉養民爲務，恒衣布素，置公服中門側，出乃服之。嘗言：「我世貧賤，不可忘本。」民愛之，郡內安治。王氏有二女，爲郡人妻。從効奉之甚謹，資給豐饒。每歲取進士明經，謂之秋堂。周世宗征淮南，李璟以兵十萬保紫金山。從効累表言：「頓兵老師，形勢非便。」既而果敗，江北之地，盡爲周有。從効遣牙將蔡仲贊爲商人，以帛書表置革帶中，自鄂路送款於周，又遣別駕黃禹錫問道表貢，世宗嘉納。從効又乞置邸京師，世宗以其素附江南，慮非便，且是時與李璟畫江爲界，遂不納。從効臣璟如故。會璟遷洪州，從効疑其徙地近閩，且圖己，頗懼，遣從子紹鎡賫厚幣獻璟。宋初上表稱藩，遣使假道吳越入貢，太祖特命使者入閩賜撫之。使未至，從効疽發背卒。璟贈太尉，靈州大都督。從効無子，以兄子紹鎡爲後。銜校張漢思、陳洪進等，誣紹鎡將叛，執送江南。宋大中祥符間，從効孫丕式詣闕，上從効所受太祖朝制書，授三班借職。《宋史》。

陳洪進 仙遊人，居晉江。幼有壯節，頗讀書習兵法。及長，以材勇聞。隸兵籍，從攻汀州先登，補副兵馬使。促留從効殺黃紹顙，王繼勳使麾下送紹顙首於建州，衆以道阻賊盛，憚不敢行。洪進獨請往，至尤溪，賊衆數千遮道，洪進給賊曰：「福泉二州，已爲義師所襲，爾輩復爲何人戍守？」即持紹顙首示之曰：「我送此建州，迎嗣君歸國，爾輩將安歸乎？」賊遂潰，渠帥數人，皆聽命洪進。至建州，延政以爲本州馬步行軍都校，既而遣歸泉州。及延政入江南，璟以從効爲清源軍節度使，洪進爲統軍使，與副使張漢思同領兵柄，累立戰功。從効卒，少子紹鎡典留務月餘，洪進誣紹鎡將召越人以叛，執送江南，推漢思爲留

後，自爲副使。漢思年老醇謹，不能治軍，事事皆決於洪進。漢思病其專，因大饗將吏，伏甲謀殺之。酒數行，地震，棟宇垂傾，坐立皆不自持。同謀者以告洪進，洪進急起，衆驚悸散。漢思見事不成，慮洪進先發，常嚴兵爲備。洪進子文顯、文顥，皆爲指揮使，勒所部欲擊漢思，洪進不許。一日，從二子常服安步入府中，叱散直府兵。時漢思方處內齋，洪進即出袖中巨鎗反閉之，使呼於邸門曰：「郡中軍吏，皆欲陳君知留務，衆情不可違，當以印見授。」漢思猝不知所爲，出印門隙與之。洪進即召將校吏士，告之曰：「張公老矣，授我以印，使我領郡事。」衆皆賀。洪進遷漢思別墅，以兵守之。請命於江南李煜，煜以洪進爲清源軍節度，泉南等州觀察使。時宋太祖平澤潞，下揚州，取荆湖，威震四海。洪進心懼，遣牙將魏仁濟間道奉表，自稱清源節度副使，權知泉南等州軍府事，且言張漢思老不能御衆，請臣領州事，恭聽朝旨。太祖遣通事舍人王班賁詔撫諭。建隆四年，遣使兩人朝貢。乾德二年，制改清源軍爲平海軍，授洪進節度泉漳等州觀察使、檢校太傅，賜號「推誠順化功臣」，鑄印賜之。以文顯爲節度副使，文顥爲漳州刺史。洪進以修貢朝廷，多厚斂于民。第民資百萬以上者，令差入錢，以爲試協律奉禮郎，蠲其丁役。及江南平，吳越王入朝，洪進不自安，遣文顥入貢。太祖因詔召之，遂入覲，至南劍州聞太祖崩，歸鎮發哀。太宗即位，加檢校太師，入朝。朝廷遣翰林使程德元至宿州迎勞，既至，賜錢千萬，白金萬兩，絹萬疋，增其食邑，以子文顥爲團練使，文顥、文顥並爲刺史。洪進遂上言，願以所管泉、漳兩郡獻於有司。太宗優詔嘉納，以洪進爲武寧軍節度同平章事，留京師奉朝請。諸子皆授近郡，賜白金萬兩，各令市宅。明年，從平太原，六年，封杞國公。雍熙元年，進封岐國公。洪進年老，富貴且極，上言求致仕。優詔免其朝請。二年以疾卒，年七十二。贈中書令，諡曰「忠順」。《宋史》。

知軍州事

陳文顯 字仲達，洪進子。洪進領漳泉節制，署左神機指揮使，遷泉州馬步軍都軍使，右軍押衙。乾德初，朝命平海軍節度副使，累加檢校太保。洪進歸朝，授文顯通州團練使，知泉州，未幾代還。時太宗征太原，朝行在久之，出爲青、齊、廬、壽、西京、川南北、陝州、四州郡巡檢使。文顯與諸弟不睦，私藏列訟。真宗咸平初，爲御史中丞李惟清所論劾，詔念洪進忠勳，令御史臺誠諭之。尋以疾改通許鎮都監。六年卒。子宗憲歷虞部員外郎，爲西京作坊使，宗元殿中丞。《閩書》。

喬維岳 字伯周。太平興國三年，以通判知軍州事。時盜起仙遊，衆十餘萬攻郡城。郡中兵僅三千，勢甚危急。監軍何承矩欲盡屠其民，焚府庫以遁。維岳抗議堅守。既而轉運使楊克讓率兵破賊，圍始解。事聞，下詔褒之。舊志。

知州事

孫逢吉 太平興國七年知泉州，以精忠厚德見稱。真德秀守泉時，舉與程大昌、顏師魯、林枏、韓國華、陳偁、趙鼎並祀。《閩書》。

韓國華 字光弼，安陽人。太平興國二年進士。景德中，以太常少卿出知泉州。質性純直，治有時譽。子琦，郡舍所生也。後人溯所自出，石刻國華及琦像祀府中，而名府治之堂曰「忠獻」。舊志，參《閩書》。

陳靖 莆田人。太宗、真宗朝屢議均田，三司使阻之，不果行。大中祥符、天禧間累官知泉州，重農愛民，郡人德之。舊志。